

بِسْمِ اللَّهِ الرَّحْمَنِ الرَّحِيمِ

Khutba Eid-ul-Fitr

HADHRAT MUHYI-UD-DIN KHALIFATULLAH

Munir Ahmad Azim

18 Juillet 2015
(01 Shawwal 1436 Hijri)

(Résumé Khutba)

Après ki li fine souhaite « Assalamoualaikum Warahmatullah Wabarakaatouhou » et « Eid Mubarak » à tous so bane disciples (et tous bane musulmans) entier le monde – en mentionnant bane l'les avoisinants, l'Inde, Kerala, Trinidad et Tobago etc. – Hazrat Khalifatullah (atba) fine commence so Khutba avec Tashahhud, Ta'uz, Surah Al Fatiha, et ensuite li fine dire:



Ene grand mois béni fine quitte nous. Ene mois ki sakaine parmi nous péna aucaine garantie pou rétrouver l'année prochaine. Tout séki nous capave encore souhaiter c'est ki Allah (twt) exauce nous bane *duahs* et accepter tous nous bane actes d'adoration (*Ibaadat*) et sacrifices ki nous fine faire tout au long de sa mois ki fine passé là, et ki Allah accorde nous bane récompenses ki Li fine promette nous. *Alhamdulillah*, mois sacré Ramadan fine permette à bane musulmans pou mobiliser, et vine en masse dans bane masjids, et en plisse de sa, zot fine fer zot ene devoir pou garde *Roza* (le jeûne) pour le plaisir d'Allah. Ainsi, *masjid* fine retrouve dans l'espace d'ene mois, so la vie et so beauté.

Comment nous pou explique sa phénomène là? Ki explication à ene telle comportement si sa pas résultat de la foi (*Imaan en Allah*)! En effet, ki musulman pas conne la grandeur, splendeur et l'importance de sa mois là? Ene musulman conne bien ki n'importe ki négligence de so part pou amène li vers so propre la perte, parski le chef de tous bane anges, Hazrat Jibreel (as) fine maudit sa dimoune ki pas fine réussi recevoir le pardon d'Allah. Le chef de tous bane prophètes (as), Hazrat Muhammad (saws) le *Amin* (digne de confiance) fine dire « *Ameen* » kan Hazrat Jibreel (as) fine lance ene telle malédiction.

Si la foi d'ene musulman faire ki li tenir sa mois là avec tant de respect, alors kot so *Imaan* aller dès l'apparition de nouvelle lune de *Shawwal* (pour Eid) kot après sa li abandonne la Caze d'Allah (*masjid*) ? Si li ti conne bane bénédictions d'Allah (twt) ki ena dans le mois sacré de Ramadan, alors li ti pou bizin conne bane bénédictions ki ena dans *Salaat* (Namaz). Si li conscient de bane conséquences graves ki vine de so l'insouciance pendant Ramadan, li bizin sans doute également conscient de bane mauvais conséquences ki pé attane li kan li abandonne Namaz. Alors kifaire li insouciant à ce point, kifaire ena sa l'indifférence ki li démontrer envers sa grand *Ibaadat* là, c'est-à-dire, Namaz ?

Sa bane questions là, fort malheureusement, amène nous pou faire ene triste consta : Bane musulmans en général, zot encore ena la foi *Alhamdulillah*, mais couma dans Quran (Surah Al-Hujurat) pas dire ki ou ena la foi mais dire ki ou fine accepter l'Islam ; mais c'est ene la foi, ene *Imaan* ki fine perdi so l'ardeur, so l'éclat, kot reste seulement bane étincelles bien faibles. C'est ene *Imaan* ki pé menacer pou alle teigne. Autrement, couma ene musulman avec ene *Imaan* fort et briyan ti pou capave fer sourde d'oreille kan pé donne *Azaan* (l'appel à la prière)? Couma eski nous capave imaginer ki ene musulman pou capave abandonne le *Salaat* sans aucaine remord ou regret alors ki le Saint Prophète (saws) fine dire ki le *Salaat* distingue ene musulman d'ene mécréant (*Kaafir*) et idolâtre (*Mushriq*)? Ene tel *Imaan* li pas suffisant pour assume la protection contre punition Allah (twt) dans sa lé monde ici-bas là (*Duniya*), dans tombe (*Qabr*) et dans l'au-delà (*Akhirat*).

Donc mo bane chers frères et sœurs, anou profite de l'étincelle ki nous *Imaan* ti été pendant Ramadan, et nous faire li revivre et transformer en ene la flamme après Ramadan. Nous bizin pose nous la question : **Eski Ramadan terminé réellement avec Eid?**

Bien sûr ki nous pou gagne ene réponse affirmative de la part de quelques musulmans à ki nous pou pose la question. Concernant règlement pou abstenir de la nourriture, bane boissons et relations sexuelle pendant le jour, sa li capave prouver dans le Quran et Hadiths de Nabi Kareem Hazrat Muhammad (saws). Toutefois si nous alle en profondeur de bane raisons ki faire Ramadan ene tel bénédiction, nous constater ki sa bane leçons ki nous tiré de Ramadan, nous bizin faire en sorte ki tout au long de l'année nous garde sa à l'esprit et préserve bane même bon l'habitude et bons actions jusqu'à Ramadan prochain.

D'abord, du fait qui nous passe la journée en nous privant de bane besoin normales et de bane plaisirs de sa le monde là, sa aide pou construire dans nous la force et discipline. Sa pou permette nous pou développe *Insha-Allah* le plus grand vertu, c'est-à-dire, la patience. Allah (twt) dire : « **O bane ki ena la foi ! Cherche aide avec patience et la prière. Sans doute Li (Allah) avec bane ki ena patience.** » (Al-Baqara 2: 154).

Kan nous garde à l'esprit ki nous pé accepter bane commandements d'Allah, nous bizin aussi rappelle nous devoir pou cherche le plaisir d'Allah. Ramadan aide nous pour renforce nous besoin qui nous constamment conscient pour obéir Allah et conscient aussi du fait qui So

guidance c'est le meilleur de bane bénédictions. Allah dire nous : « **O bane dimounes ! Ene conseille fine vine vers zot de cote zot Maître (Allah), et ene guérison pou séki dans les cœurs, et ene guidance et ene bénédiction pou bane croyants. Dire : '(Sa vine) seulement (de) faveur Allah et So bénédiction' ; voilà de quoi zot bizin réjouir. Sa (li) meilleur ki tout saki zot amassé. »** (Yunus 10: 58-59)

À travers Ramadan nous pas seulement réalisé qui l'obéissance Allah li plus grand la joie, mais nous vivre et expérience sa l'obéissance là dans ene façon plus important parski nous restreindre nous bane désires pendant bane jours de sa mois bénie là. L'obéissance à Allah (twt) avec l'amour et l'humilité, ki l'essentiel de l'adoration, vine le point culminant de nous la vie. Pour sa raison là, kan demande à propos la fin de Ramadan, nous capave trouvé ki l'esprit de Ramadan li zamais terminer parski tout le long de l'année nous bizin démontré même l'attitude de sacrifices, et de bane *Ibaadat* ki nous ti ena envers Allah, ki nous ti pé accompli pendant sa mois béni là. Nous réaliser ki c'est seulement ene l'étape, ene grand l'étape, lors le chemin de l'Islam, ki fine institué pour ki nous capave atteindre nous but ici dans sa la vie ici-bas là.

Donc, Ramadan grandi nous patience, amène nous pou dirige nous bane zéfforts lors guidance et miséricorde Allah et amène nous pour obéir Allah, installe dans nous caractère pour lutter dans So chemin. Sa lutter dans So chemin, ou *Jihaad* là, inclure sak aspect nous la vie et li plus grand réussite dans la vie d'ene musulman. Allah dire nous : « **Bane ki ena la foi, souffère exile et combatte avec la force dans chemin Allah par zot du bien et la vie ; (Zot) ena ene grand rang auprès d'Allah. »** (At-Tauba 9: 21).

Mais sa grand *Jihaad* là li pas veut dire ki nous alle jette nous aveuglément dans la guerre ou agir avec passion dans ene façon imprudent. Le but élevé de lutter dans chemin Allah li doit so présence dans bane leçons ki fine montré dans Ramadan. Nous besoin ena ene bon tempérament et patience aussi. Nous bizin conne la guidance et bane commandements d'Allah couma fine enseigné et pratiqué par le Messenger d'Allah, Hazrat Muhammad (saws) et nous bizin faire sa sincèrement sans considère bane excès ki nous bane désires (*nafs*) pé tente nous pour faire. Donc, quand Ramadan fini, pas laisse nous perdi bane bénédictions en pensant ki Ramadan fine fini et nous rétombe dans nous ancien mode de vie. Laisse nous, *Insha-Allah*, tenir fermement Allah So pardon et So guidance, et anou arrange nous la vie dans ene telle façon ki nous vine bane dimounes ki digne pou être appelé musulmans.

Eid-ul-Fitr vini pou annonce à l'homme ki so Maître (*Rabb*), li ene Dieu ki miséricordieux et ki content So bane serviteurs ki pli dévoué. Couma sa Hadith là dire, kot Hazrat Muhammad (saws) fine dire : « *Sa jour de Eid là, li vine ene victoire pour le croyant.* » Alors chaque croyant bizin conne li même afin ki li conne so Seigneur. Sa phrase là indique ki tous le temps nous bizin garde nous le cœur pur et propre, afin ki nous vine conscient de So présence ; de so réalité vivante.

Eid-ul-Fitr li ene contentement dans le cœur parski nous fine réussi plaire Allah. Seulement faudé nous garde à l'esprit ki malgré le fait ki Ramadan fine quitte nous, c'est nous devoir comme ene

croyant pour garde le mois de Ramadan vivant dans nous lé cœur. C'est ki le croyant bizin pas perdi sa bon l'habitude ki li fine gagner pendant sa mois là et li faire ene zeffort continuelle pou ki li garde sa bane bon l'habitude là tout longue de l'année. Eid, le vrai Eid, c'est le jour kot Allah choisir pou montré à So bane serviteurs couma pou canalize zot destin au service d'Allah, pou récolter So plaisir. Tanque ki zot suivre le droit chemin et zot pou obéir Allah et So messenger, Allah pou content avec zot et béni zot et faire zot '*Mubarak*' (heureux) pou l'année ki suivre.

Le jour de Eid, li ene jour de récolte, kot bane travailleurs zot au service d'Allah et bane croyant dévoués zot récolté fruits de zot bane bon actions. Sa jour de Eid là, Allah accorde zot So miséricorde et So bane bénédictions en abondance.

Pou terminer, laisse mo souhaite zot tous « *Eid Mubarak* » et mo faire sa *duah* la : « **Taqabbala Allah minna wa minkum** » (Ki Allah accepter sa (bane bonne actions là) de nous et de ou). *Ameen*.